

Tayer: Beauty for a cause

TUR fondo recauda lo bay pa Fundacion pa Hende Muher den Dificultad. Studentenan di Facultad di Hospitalidad y Turismo na Universidad di Aruba den colaboracion cu Fundacion pa Hende Muher den Dificultad ta organisa un tayer di Make-up unda cu tur fondo recauda lo bay p'e fundacion.

E 'fundraising' lo tuma lugar diasabra 8 di april, cuminsando pa 10'or di mainta te cu 2'or di merdia na Universidad di Aruba. E evento lo consisti di tres tayer duna pa artistanan di makeup local. Lo tin un tayer di 'Daytime Look & Eyebrows' duna pa Marta Collell, un tayer di 'Nighttime Makeup Look' duna pa Stephany Wathey y un tayer di 'Runway Graphic Make-up Look' duna pa Allan Kock.

Fundacion pa Hende Muher den Dificultad desde su inicio a brinda apoyo y proteccion na hende muhernan cu a haya nan mes den situacionnan urgente.

E fundacion lo beneficia di e fondonan recauda pa sigui brinda sosten y proteccion na hende muher nan den situacionnan dificil y tambe pa esfuersonan di conscientisacion.

FHTMS

Facultad di Hospitalidad y Turismo (FHTMS) na Universidad di Aruba tin como mision e educacion di profesionalnan pa sobresali den ramonan

di Turismo y Comercio Internacional dor di provee educacion scientifico y profesional di caliber halto. E resultado: Un lider cu ta contribui na sociedad dor di demostra

pensamento critico, re- sponsabilidad social y inovacion sostenibel.

